



Studiante di arte Kalina Croes “Arte ta tur caminda”



ORANJESTAD- Arte ta tur caminda, Kalina Croes ta bisa. Un hoben Arubiano di apenas 20 aña cu a laga Aruba casi 3 aña pasa pa persigui un carera den mundo di arte. El a bay persigui e soño Americano. E ta comparti cu Bon Dia Aruba e cambio grandi nan cu a surgi y su bida como artista.

Croes ta conta cu actualmente e ta den tercer aña di su estudio na Pratt Institute Design School na Brooklyn. E ta studiando “Communications Design” cu ta basicamente advertisement y graphic design pero e enfasis ta riba propaganda den e direccion di arte. Su prome dos añanan el a pasa nan na instituto PrattMWP cu ta na Upstate New York. Segun Croes e cambio di Aruba pa Merca tabata uno grandi. Di chikito semper e la bishita Merca. Pero ora di bay studia afo e ta un mundo diferente y

e ta pone hende realisa di berdad ta con duro bo ta dispuesto pa traha pa bo estudio. Tur cos ta diferente, pero despues di adapta e ta posibel pa demostra tur hende cu un stranhero por biba memey di Americano y te hasta resalta. Como un estudiante di Arte tin hopi competencia, Croes ta subraya.

Inspiracion

Bon Dia Aruba a puntra Croes kico ta su inspiracion. Croes ta conta cu pa su persona ta dificil pa kies cierto cosnan so pa inspiracion, specialmente bibando na New York, unda cu inspiracion ta tur caminda. Pero e echo di studia cu otro muchanan cu tambe ta stima arte ta un bon fuente di inspiracion, ora di wak nan trabou den un ambiente artistico ta duna Croes un forza cu ta haci cu e no ta blokia su creatividad. “Tambe mi por bisa cu mi rumannan y mi mayornan ta inspira mi, pa comun cu e ta zona. Aunke nos ta completamente diferente, wak nan logra exito den local nan kier ta algo cu tur hende kier. Y ora

abo wak bo ruman nan ta yegando leu of ta bay yega leu, e ta push bo manera persona pa bo por ta e miho cu bo por ta” Croes ta comenta.

Croes ta bisa cu el a cuminsa

pinta desde tempo e ta chikito. Su wela tin tur su pinturanan bieu pa demostra esaki. Pero segun e, e por bisa cu pintando di berdad e tin 3 of 4 aña. Semper e tabata sa cu e tabata kier un carera artistico pero e no tabata sa precisamente kico. E la bay un par di les cerca Angiolina Henriquez cu a yuda Croes cu su pintamento. Den su prome aña di estudio e tabata pinta hopi paso e tabata e aña di fundacion y tabata inclui tur “fine art”. E tabata duro pa Croes pa sobra e tabata sa cu e no tabata kier ta un “fine artist”. Pa e motibo ey awo e ta aprecia fine arts paso e sa con duro e ta pa traha un bon escultura of pintura.

Role models

Tambe Bon Dia Aruba a combersa cu Croes tocante e hendenan cu ta un ehempel pa e. El a bisa “Mi rolemodel ta definitivamente mi mama, cu a pusha mi den direccion di diseño. E ta esun cu a introduci mi na e mundo di propaganda. Awo misa cu



haci cu di berdad tur cos parece un pintura completo.

Arte na Aruba

Bon Dia a puntra Croes kico e ta wak como posibilidad pa pintor y artistanan hoben na Aruba. E la bisa “Mi ta haya cu scolnan, specialmente colegio mester en curashia arte y mehora e segmento ey y stop di yama esaki pret pakete. Aruba tin hopi talento hoben pero ta dificil pa guia nan ora un scol mes no ta curashia arte. Aunke tin evento y arte y awo Rietveld lo ta ideal pa tin mas Art na Aruba ta algo cu nos mester obviamente. E ta duna Aruba caracter y un bista di con nos mester creativo nan ta traha. Tur caminda riba mundo tin murayanen yena cu arte, arte di caya, galerianan cu ta mustura kico artistanan local tin aden. Hende ta wordo atraí na cos nan visual sea bon of malo. Aruba por haci esaki, specialmente paso e ta asina multicultural” Croes a finalisa. □

mi por combina creatividad cu negoshi. Cu e studio aki. Mas mi crece mas mi ta realisa cu esaki ta mas practico in den un carera di largo plaso. E ta dushi pa resolve problemanan di diseño y traha riba campananan pa cliente. Mi otro role models nan ta dos juffrouw cu mi tabata tin den mi segundo aña di estudio. Nan a pusha mi pa ta un miho estudiante y duna mi reto nan pa expande mi inteligencia. Un otro rolemodel ta definitivamente mi tata. E unico homber den nos famia di 5, e ta un homber hopi trahado cu kier cuida di nos y wak e logra exito ora e mes no tawata tin nada ta algo increibel y admirabel. E ta apoya nos infinitamente. Especialmente ami cu a coy un ruta un tiki menos practico compara cu mi otro rumannan”

Talento actualmente

Croes ta splica cu den actualidad e ta purbando di combati un blokiamento creativo. E la caba di muda pa otro instituto y tin cu adapta su mes na tur cos. E maestronan ta duna les den un manera hopi mas accelera. Croes ta comenta “Awo den mi aña di junior mi ta enfoca hopi mas riba mercadeo y con e ta cambia constante y con e generacion nobo lo cambia e industria den e aña nan cu ta bin. Actualmente mi no ta haci “fine art” mi ta uzo medionan digital so manera Photoshop, Illustrator, After Effects. Tambe nos tin mas practica por ehempel bo ta haya un cliente di un compania di mercadeo. Nos ta enfoca riba resolve problema y haci bon campananan cu psicología

